

五縛擊相應 彼五處大明 大金剛忿怒

若愚若智者 依法而觀想 彼於半月

得秘密成就 諸秘密金剛 金剛歌大義

住空而觀想 佛大曼拏羅 吽字金剛明

想三金剛等 唵字想於眼 能觀見一切

及見諸佛相 三身勝金剛 所有饑渴等

為世間大苦 修習瑜伽者 彼不生思念

遠離一切苦 成就心金剛 一切義正句

毗盧尊影像 唵字金剛眼 彼唵鏤二字

一切處無住 離諸苦寂靜 安住金剛舌

即如意妙寶 隨眾生意願 想智金剛光

一切所嚴飾 一切所嚴飾 一切所嚴飾

此名諸佛如意寶金剛

佛說一切如來金剛三業最上秘密大教王

經卷第五 宅五

佛說一切如來金剛三業最上秘密大教王 經卷第六 宅六

西天譯經藏朝奉大夫試鴻臚卿傳法大師臣施護奉詔譯

一切如來金剛三業最上甚深秘密中秘密 諸佛大集會一切曼拏羅成就金剛現證菩 提分第十六之餘

尔時世尊大執金剛者大金剛無畏大毗盧 遮那如來即入金剛大無畏無垢三摩地從 定出已以自三業說是明句

尾引

說此明句已復說伽陀曰

想虛空金剛 佛光曼拏羅 現黃色金剛

尾日林毗多 諸相皆圓滿 一切所莊嚴

頂戴諸佛冠 住一切平等 三金剛相應

出生諸成就

是時世尊復入普音金剛三摩地從定出已

以大金剛觀想句身語心業說是明句

綜引

說此明句已又復說是伽陀曰

想虛空金剛 日輪曼拏羅 徧滿諸佛雲

三金剛自在 於曼拏羅中 想尊那菩薩

身現白色相 一切所嚴飾 從金剛三業

堅固而出生 安住金剛手 大士持明句

此名金剛三昧智光明三摩地

是時世尊復入一切願金剛大樂三摩地從

定出已以等持金剛三昧身語心說是明句

穰引

說此明句已又復說是伽陀曰

想虛空金剛 金剛曼拏羅 想金剛出生

一切佛如來 中想寶藏神 現大藥叉相

頂戴寶髻冠 色相而善寂 住五佛相應

觀想於五處 得金剛甘露 而現禪坐相

復與金剛手 歡喜而相應 如是藥叉主

大力寶藏神

此名金剛三昧大富成就吉祥幢三摩地

是時世尊復入金剛欲自在吉祥三摩地從

定出已以一切藥吐尼三昧身語心業說

是明句

穰引

說此明句已又復說是伽陀曰

想虛空金剛 四方曼拏羅 四寶所嚴飾

香華等具足 徧滿虛空界 現諸藥吐尼

生六

三金剛出生 想同一影像 三金剛不壞

安住禪定想 妙金剛等持 觀想念怒頂

安住心明句 金剛相應行

此名一切藥吐尼平等行觀想金剛三摩地

是時世尊復入一切金剛大明尾曰林毗多

金剛三摩地從定出已以自三業說如是法

身語心清淨 持諸佛色相 如紫金色光

作一切成就 安怛陀那等 平等妙光明

藥叉主成就 持明天大尊 諸金剛成就

諸妙色成就 諸大明成就 普徧而出現

佛頂諸成就 如意寶妙光 最勝佛菩提

諸佛金剛光

此名諸佛圓滿一切願金剛三昧

尔時執金剛者一切如來大秘密主成就一

切如來身語心金剛大明行大毗盧遮那金

剛如來又復以自三業說如是法

身語心金剛 身語心自性 自相自所作

如是皆成就 佛眼句相應 想金剛標幟

大明印相等 依教而善學 諸如來秘密

安任佛菩提 當於四時中 作秘密供養

華菓等諸物 隨所得隨食 此速得諸佛

最上大智海 期滿六月數 作法當成就

一切部多眾 自他不能燒 貪金剛自性

依法而了知 貪金剛大鉤 摩摩祇功德

宅六

觀想諸金剛 一切處成就 自印相禪定

三文字金剛 此諸佛大智 違越者破壞

金剛大主宰 金剛文字生 所有阿蘇哩

那礙藥叱尼 乃至摩耨尸 任三金剛智

各依本部法 作諸持明事

如是諸大明 秘密真實教 三金剛出生

入諸佛菩提

此名一切如來真實金剛持明三昧

一切如來金剛三業最上甚深秘密中秘密

諸佛大集會一切如來三昧法金剛加持王

分第十七

尔時一切如來又復雲集時諸如來又復各

各以自三業勸請世尊大毗盧遮那金剛如

來說秘密法作是讚言

阿闍如來廣大智 金剛法界大希有

三曼拏羅三堅固 歸命秘密妙法音

毗盧遮那佛清淨 最上大樂金剛寂

諸法自性淨光明 歸命宣說金剛法

實生如來甚深妙 如虛空界離諸垢

自性清淨本非相 歸命善說諸秘密

無量壽佛大自在 離諸疑惑金剛任

了貪自性到彼岸 歸命蓮華部所說

不空成就佛正智 能滿一切眾願

自性清淨住實際 歸命金剛最上士

如是稱讚寂靜句 一切如來共所宣

諸修法者若稱揚 即與諸佛而同等

亦時金剛手 諸佛悲愍者 復從語金剛

說是秘密句 大哉一切佛 法界離文字

自性本清淨 如虛空無垢

亦時諸佛大秘密主金剛手菩薩安住一切

如來身金剛三昧從自身語心業說如是言

彼四種三昧 從佛智海生 了飲食無礙

此三昧最上

又復安住一切如來語金剛三昧從自身語

心業說如是言

彼四種三昧 語金剛大字 了五種甘露

名六

此秘密出生

又復安住一切執金剛三昧從自身語心業

說如是言

彼四種三昧 亦即甘露法 從金剛薩埵

大威力所生 身語心金剛 大三昧出生

住諸佛究竟 金剛所攝持 金剛手三昧

金剛手大光 於一刹那間 得諸佛三業

又復安住一切緣覺三昧從自身語心業說

如是言

善說於身法 彼身金剛住 說衆生戒相

住究竟平等

又復安住一切聲聞學三昧從自身語心業

說如是言

彼十善業道 所作智金剛 此諸三昧生

而名劣解脫

又復安住一切梵王三昧從自身語心業說

如是言

癡為諸業道 作大怖畏相 隨順佛菩提

即得金剛身

又復安住嚕捺囉天三昧從自身語心業說

如是言

三界一切住 三金剛所求 欲性有三種

最上三昧生

又復安住尾瑟努天三昧從自身語心業說

名六

五

如是言

眾生住實際 三金剛不壞 入禪定金剛

虛空金剛界

又復安住三金剛三昧從自身語心業說如是言

所有身金剛 是即大梵天 而彼語金剛

即大自在天 彼心金剛王 即尾瑟努天

如是等三天 三金剛所住

又復安住一切藥叉藥叱尼三昧從自身語心業說如是言

常住貪欲法 恣一切食噉 不捨三金剛 作極難三昧

又復安住一切龍王三昧從自身語心業說如是言

常樂葷成馳 嗤囉為飲食 隨所欲香境

即所作三昧 彼一切煩惱 決定而隨轉 又復安住一切阿蘇囉乾馳三昧從自身語心業說如是言

現念怒惡者 華菓為所樂 安住金剛地 難調大可怖

又復安住一切囉叉娑悉帝哩三昧從自身語心業說如是言

葛波羅盛香 帶羅及罽舍 此即部多眾 名廣大三昧 又復為吉祥 所作大義利

又復安住一切拏吉你三昧從自身語心業說如是言

彼嚙地囉等 而常為飲食 拏吉你三昧 相應出生相 自性無所生 三界無所行

住無行三昧 得一切成就 此名三界一切金剛三昧平等三摩地又復

安住身業成就金剛三昧從自身語心業說如是言

身三種所作 一切金剛生 普徧眾生界 佛身常所作

又復安住語業成就金剛三昧從自身語心業說如是言

宅六 六

語業句無添 三界淨圓滿 是即語成就

難行三昧行

又復安住心業成就金剛三昧從自身語心

業說如是言

諸金剛意地 金剛堅固想 如所說三昧

三金剛不壞

又復安住一切大明金剛真實三昧從自身

語心業說如是言

所有佛菩薩 緣覺聲聞眾 身語心相應

得最上成就

又復安住一切如來身語心金剛禪定三昧

從自身語心業說如是言

彼金剛薩埵 所有一切處 安住身語心

堅固曼拏羅 三金剛禪定 如理而相應

安住諸大明 真實持誦法

又復安住金剛大明成就三昧從自身語心

業說如是言

衆生界平等 住金剛禪定 三金剛最上

金剛三昧生

又復安住近成就最上成就大成就金剛三

昧從自身語心業說如是言

想金剛甘露 徧滿虛空界 三金剛所授

勝三昧常住

又復安住一切金剛安怛陀那三昧從自身

語心業說如是言

所有秘密法 四時作最上 隨順彼三昧

即金剛圓滿

又復安住虛空持明三昧從自身語心業說

如是言

身語心金剛 觀想禪定冠 三金剛三昧

不能生忿怒

又復安住一切持大明等羯磨三昧從自身

語心業說如是言

身金剛堅固 外金剛執持 法金剛事業

如儀軌所作

此名諸佛自性大金剛三昧

是時諸佛大秘密主金剛手菩薩說如是等
三昧法已即於一切大執金剛身語心業金
剛平等不思議界默然而住

尔時會中有不可計不可數佛刹須弥山量
等微塵數菩薩摩訶薩咸各頂禮一切如來
已作是白言云何諸佛大秘密主金剛手菩

薩於此一切佛菩薩大衆會中默然而住

是時一切如來告諸菩薩言諸善男子當知
金剛身語心無所得諸文字句自性亦無所
得所有一切如來身語心文字句亦無自性
亦非行相以是義故默然而住諸善男子此
如來心亦如是住彼身語心離文字無所生

無有相如虛空無有實一切皆是虛妄所攝
尔時妙吉祥菩薩等諸大菩薩向諸如來作
是白言如是如是世尊一切如來法界自性
無行無作非來非去以是義故語金剛所生
諸文字句皆虛妄攝

是時會中有大菩薩其名梵初雖復已得大

神通智而於一切法相自性未能了知聞是
說已作是問言云何金剛大我法等金剛真
實秘密文字有所宣說

尔時諸如來告彼菩薩言如所得法當如實
住梵初菩薩又復白言諸佛世尊我於身語
心金剛秘密文字雖如實所得於彼金剛菩

宅六

提尚未了知願諸如來爲我開示諸佛答言
善男子文字無自性真實無所生彼金剛菩
提乃至衆生界盡所攝受普令一切安住諸
佛金剛善提何以故彼諸衆生所得身語心
金剛智皆即三身金剛法性所作

尔時諸佛大秘密主金剛手菩薩摩訶薩又

復向諸如來及諸菩薩作如是言法界無住
諸法無我自性清淨從無住中金剛出生諸
法儀軌雖有所行而非所行時諸如來咸各
稱讚金剛手菩薩作如是言大士所有一切
如來身語心金剛一切成就乃至三界一切
法依何語言而住金剛手菩薩言一切如來

金剛成就一切智智乃至三界一切法皆依
金剛身語心住諸如來言身語心當依何住
金剛手菩薩言如虛空住諸如來言虛空何
所住金剛手菩薩言虛空無所住空無在故
諸法亦然時諸如來生希有心作如是言大
哉大哉金剛薩埵能善宣說如是如是若身

語心無所有而彼色相亦不可得

尔時金剛手 三界所尊敬 一切佛稱讚

廣大秘密主 任三密堅固 三金剛自在

想持明大士 說一切成就 任空金剛界

想佛曼拏羅 中現身金剛 觀想金剛頂

三百三身生 不思議變化 持金剛大輪

宅六

九

速得大菩提 諸部所有法 觀想此秘密

若別法觀想 彼不得成就

此名特明大士金剛秘密法

任空界觀想 部多囉倪衆 作如是歡喜

現金剛三相 若如是觀想 菩薩大敬愛

而於七日中 得三身成就

尔時諸佛大秘密主金剛手菩薩復以自身
語心業宣說一切行人金剛秘密法
自金剛三業 三昧大印義 想諸儀軌相
得成就佛性
又復以自身語心業宣說一切行人金剛秘
密法

設不結印相 持誦諸大明 此不越三昧

得菩提成就

又復以自身語心業宣說諸佛三昧秘密法

彼五種甘露 見勿生疑謗 此三密金剛

依法而所用

又復以自身語心業宣說語金剛三昧秘密法

所有三界中 一切踰室多 彼諸秘密法

語金剛無謗

又復以自身語心業宣說心金剛三昧秘密法

所有諸三昧 任三身金剛 必利擊三昧

心金剛無謗

此名諸佛三密金剛三昧

又復以自身語心業宣說一切如來金剛秘密法

五如來所轉 五蘊義平等 彼金剛處法

菩薩曼拏羅

又復以自身語心業宣說三界三昧輪秘密法

地大佛眼尊 水大摩摩枳 火大白衣尊

風大多羅等 虛空金剛界 即金剛薩埵

當知此諸大 即現諸菩薩

此名一切如來宮廣大自在金剛大士三昧

尔時世尊任一切如來身語心業大毗盧遮

那金剛如來即入一切如來平等行三摩地

從定出已普觀一切如來及眾會已默然而住

宅六

十

尔時慈氏菩薩摩訶薩即起恭敬頂禮世尊

大毗盧遮那及諸如來作如是言所有一切

如來身語心金剛秘密集會一切灌頂義一

切如來一切菩薩乃至金剛阿闍梨當云何

見佛言善男子所有諸佛菩薩乃至金剛阿

闍梨等皆住金剛菩提心當如是見何以故

彼善提心與阿闍梨無二無二相善男子我今略說所有十方世界諸佛如來及諸菩薩現任說法教化眾生者而彼一切於三時中來詣阿闍梨所諸佛菩薩變化供養雲而為供養作供養已還諸佛刹時阿闍梨從語金剛亦出是言一切如來是我父一切如來是

我母一切如來是我師慈氏當知所有十方一切諸佛如來及諸佛所行乃至諸佛如來身語心金剛所生一切福蘊而彼福蘊皆從阿闍梨毛孔所生何以故善男子從彼善提心出生諸佛智真實所生真實而住乃至一切智智相亦復如是

尔時慈氏菩薩摩訶薩聞是說已生驚怖心默然而住

尔時世尊阿闍如來寶生如來無量壽如來不空成就如來等即時俱入一切執金剛成就勤求三昧金剛三摩地從是出已咸作是言汝諸菩薩今當諦聽所有十方一切如來

宅六

十一

三世智所出生秘密集會而來供養金剛灌
頂阿闍梨又復恭敬稱讚何以故諸善男子
金剛阿闍梨是大執金剛者是即諸佛大智王
是時彼諸大菩薩向諸如來發是問言諸佛
世尊所有一切如來身語心三密金剛成就
當依何住諸佛答言如來三密當依阿闍梨

金剛身語心住又問即此身語心復云何住
答言此即無所有無所著時諸菩薩聞是說
已默然而住

尔時世尊大毗盧遮那金剛如來又復告諸
如來及諸菩薩言諦聽諦聽諸佛菩薩我今
宣說一切佛菩薩金剛三摩地出生大曼拏

羅法

是時諸佛及諸菩薩皆悉恭敬作如是言善
哉大執金剛者善說世尊善說善逝大曼拏羅
尔時世尊大毗盧遮那金剛如來說是伽陀曰
如空淨法界 想佛曼拏羅 四方淨妙相
觀想定金剛 金剛曼拏羅 阿婆那輪等

及種種供養 依法常所作 住阿闍梨心
平等灌頂法 想虛空界中 諸佛皆徧滿
諸儀軌出生 三種灌頂句 得成就菩提
為衆生利益 身語心成就 諸成就中勝
一切如來心 即無上菩提
此名一切佛菩薩大輪三昧三摩地出生大

曼拏羅

尔時諸佛大秘密主金剛手菩薩復以自身
語心業宣說一切如來金剛相應金剛三業

秘密大明曰

唵引一 吽引恒覽二 合 統哩引二 合 亢五

當想虛空界 秘密曼拏羅 三密心出生

想金剛薩埵 現大忿怒相 如青蓮華色

依法想四臂 執持萬波羅 現五種光明

復觀想自舌 金剛定相應 甘露法句召

三叉金剛杵 及金剛鈎等 與金剛相應

成就諸佛身

又復以自身語心業宣說金剛飲食三昧法

宅六

十二

若於飲食等 依法而當食 與甘露相應
不越諸儀軌

又復以自身語心業宣說一切如來最上三
業供養法

五種供養法 作最勝供養 此一切金剛
難行三昧行

又復以自身 心業宣說三業秘密供養法
於二處相應 當受彼甘露 如儀軌供養

得成佛菩提 又復以自身語心業宣說一切如來三業行法

衆生界無邊 普徧平等持 三金剛三昧
今任大希有

又復以自身語心業宣說一切行人最上三
業行法

身語心自在 三密無任生 諸所求成就
違越者不成

又復以自身語心業宣說一切行人金剛薩
埵最上法

當可一肘量 作頂曼拏羅 中現於電字
五甘露所出 勝金剛相應 刹那現光明

身語心善住 所作皆成就 又復以自身語心業宣說一切持明秘密三
業法

諸有持明人 遠離諸有相 勿生取著心
定六 十三

造立塔廟等 勿讀誦經典 勿建曼拏羅
若自性相應 斯即為最上

又復以自身語心業宣說銷除一切毒禁伏
句召秘密法

安任大輪中 想白色焰光 熾盛而周徧
及黃色光等 此即三金剛 三昧大光明

從彼三秘密 種子所出生 又復以自身語心業宣說一切如來身語心

輪金剛和合作擁護大明曰 唵引一虎魯虎魯二底瑟吒合二底瑟吒三合

滿馱滿馱四賀那賀那五捺賀捺賀八阿密
哩合二帝吽引發吒咤咤音

此大明安住 金剛羯磨輪 輪中現吽字

中復書其名 大明字正句 依法常安住

此即一切明 三秘密無住

又復以自身語心業宣說金剛安膳那法

行人當往詣 四衢或樹下 乃至天廟等

作安膳那法 當用萬波羅 置嚕地囉等

黑月十四日 於其中夜時 誦本部大明

加持八百徧 得三種成就 及安膳那法

此即名諸佛 普賢秘密行

尔時一切如來問金剛手菩薩言諸菩薩摩

訶薩云何於諸秘密文字句當得具足能於

一切如來秘密三昧行堅固信解如實觀想

是時金剛手菩薩言諸佛世尊若諸菩薩摩

訶薩於其三種秘密文字句得具足者即能

於彼一切如來秘密三昧行堅固信解如實

觀想諸如來言何等為三金剛手菩薩言所

謂一切如來身金剛一切如來語金剛一切

如來心金剛此等名為三種秘密文字句若

能如是得具足者彼諸菩薩摩訶薩乃能於

彼一切如來三昧行堅固信解如實觀想是

時諸佛咸各稱讚金剛手菩薩已默然而任

尔時金剛手菩薩告彼一切如來及諸菩薩

言諸大士當知此法甚深秘密希有過去過

不可較不可計微塵數等劫從燃燈如來應

供正等正覺出世已後乃至迦葉如來出現

世間是等諸佛皆不宣說此秘密法何以故

彼時衆生無信解故於此秘密功德句義不

能了知以是義故於彼時中諸佛如來皆不

宣說最上大乘秘密集會諸佛菩提法乃至

刹那羅縛謨呼栗多不得暫聞此秘密法設

於無數燒伽沙等劫中勤勞苦切求佛菩提

而不能得由是於此大秘密法不得聞故是

故諸佛當知此秘密法甚為難得

尔時會中諸大菩薩聞是語已即時各各涕

淚悲泣時諸如來告彼菩薩言止善男子汝

等不應涕淚悲泣起三苦惱想時諸菩薩白

諸佛言諸佛世尊我今云何能止悲泣何能
不生三苦惱想我念衆生無智所障於三密
句不生信解乃至名字尚不得聞諸如來言
諸善男子如所得文字句皆悉平等非知可
知非聞可聞所有一切如來一切菩薩於其
秘密文字句悉無所得皆無所覺何以故三
密文字句自性清淨故
是時諸菩薩摩訶薩聞是語已默然而住

佛說一切如來金剛三業最上秘密大教王
經卷第六
宅六

十五末

佛說一切如來金剛三業最上秘密大教王
經卷第七
宅七

西天譯經三藏朝奉大試鴻臚卿傳法師目施護奉 詔譯

一切如來金剛三業最上甚深秘密中秘密
諸佛大集會一切如來三昧法金剛加持王
分第十七之餘

尔時佛眼菩薩摩訶薩從一切如來身語心
秘密出生以自三業於大衆中歡喜稱讚一
切如來大秘密主金剛手菩薩作如是言
汝金剛手大自在 善住最上金剛心
隨諸所欲及所求 救度一切衆生界
欲樂自性真實法 最上金剛大親愛

是故歸命復稱讚 唯願依法攝受我
尔時摩摩枳菩薩摩訶薩從一切如來身語
心秘密出生於大衆中歡喜稱讚一切如來
大秘密主金剛手菩薩作如是言

汝金剛手利衆生 善住金剛心大輪
從佛菩提最上心 出生金剛第一義